

ЛИСЕНДИ VI-це КИЗОСЬ

ВЛКСМ-нь Мордовский
обкомть и Саранский
горкомть газетасна

Адрес: г. Саранск, ул. Советская,
Дом печати

ИЮЛЬ
23-ЦЕ ШИСТОНЗА
1938 КИЗОНЯ
82 (598)

Лисенди квати 12-кеть.

КОМСОМОЛОНЬ ВАЙГЯЛЪ

Моску, Кремль

Сталин ялгати!

Кельгома минь алянъке, советский одломаттнень другсна Иосиф Виссарионович!

Минь, стирнянь и од авань Мордовский АССР-нь II-це с'ездонь делегатне, кучтама Тейть, союзнай и автономнай республикань Верховнай Советтненьди васень депутатти, алянъконди и другоньконди, социалистический победатнень вдохновительсонды, горячай, большевистский привет и пожелания эрямс лама и лама кизот трудяйхненди радостенди.

Кальдяв ульсь аватнень эряфсна, особенна мокша и эрзя аватнень дореволюционный кизотнень пингста, кода тяти кальдяв и мрачнай капиталистический странатнень эса. Афкандовомшка гнет, рабства, бесправие, — вов авать сидынольдень мрачней эряфонь картина, царский Россияса.

Великий Октябрьский социалистический революциясь Ленинонь—Сталинонь партиять руководстванц ала валхтозе помещиконь и капиталистонь власть. Тя пингста сявомок минь странасонк авась раскрепощеннай. Социалистический Мордовиянь аватненди, кода и минь прекраснай родиваньконь сембе народонзонды, тийф счастливай и радостнай эряф. Минь эрятама теснай дружбаса СССР-нь сембе нароттнень мархта. Сталинский Конституциять валда шинц ала минь равноправнайхтяма. Сталинский Конституцияса золотой букваса сьорматфт советский авать праванза. Авати максфт алять мархта равнай прават сембе областнень эга: хозяйственной, культурнай, государственнай и странать политической эряфсона. Социализмась победил. Октябрьский революциять нят завоеваниянза сьорматфт Сталинский Конституциять, конанди творецок ашат Тон, Сталин ялгась и Октябрьть нят великий завоеваниянзон минь стирнятне и од аватне, кармата арамалост последнай капля вероньконь маштомс. Сталинць тя победань символ, Сталинць тя победань знамя, Сталинца—минь радостеньке, минь счастьяеньке.

Кельгома минь алянъке, Иосиф Виссарионович, минь обещандатама Тейть, што кда эрявксты, то Ленинонь—Сталинонь партиять и советский правительствать васень зовонц коряс минь, стирнятне и од аватне, марса алятнень мархастята боецнень рядсонды и мольтяма эсь прекраснай эряфоньконь арамала кровавай пинетнень—фашистнень эзда.

Эрь шинь Тонь заботацень, Сталин ялгась, минь инксонк советский стирнятнень и од аватнень инкса, сергятыкшнесамазь сяда товодонь трудовой, политический и творческий энтузиазмат.

Йотай выборхне РСФСР-нь и МАССР-нь Верховнай Советтненьди нинге вест няфтезь сембе мурти минь советский многонациональнай народоньконь морально-поли-

тический единстванц, сонь сплоченностенц Ленинонь—Сталинонь великая партиять перьф. Коммунистонь и беспартийнайнь сталинский блокть победац аши мирса инь демократический Конституцияти торжествас—победившай социализмань Конституция. И минь счастливайхтяма няемс избранникнень йоткста Тонь Сталин ялгась и минь славнай подруганьконь, конат беззаветна преданнайхть социалистический родина.

Народонь вракне троцкистско-бухаринский и буржуазно-националистический агенттне йорасть мимс минь странаньконь веры фашисттненьди и мрдафтомс минь страназонк рабствать, вачашить, нищеть, безработицать и бесправия. Но вракне кемоста просчитались, синь планца тапафт. Советский разведкась, сталинский наркомть Ежов ялгать славнай руководстванц ала, нят презреннай пинетне кундафт поличнайста. Но вратсь нинге недобитай. Минь всегда мяляфтсаськ Тонь Сталин ялгась исторический валхнень большевистский бдительность и капиталистический окружениять колга. Минь нинге сяда пяк келодьсаськ большевистский бдительностеньконь, ульхтяма непримиримайхть народонь вракненди, ульхтяма инголинге коммунистический обществать строямаса васень рятнень эса. Минь нинге сяда пяк келодьсаськ политический уровеньоньконь, упорнайста кармата тонафнема, касфтсаськ стахановечнень рядсон и саттама оцю победат социалистический строительство сембе участканзон эса.


Ленинский комсомольсь курок кармай праздновандама эсь юбилейнц. Нинге сяда пяк келептьсаськ социалистический соревнованиять предприятиява, колхозга, бригадава, звенава, ленинский комсомольсь 20-це кизонзонды, штоба ленинский комсомольсь славнай юбилейнц васифтемс од победатнень мархта. Приматама инь активнай участия уборочнай работатнень эса, штоба курокста сонь аделама.

Тон Сталин ялгась, всегда сергятыкшнесамазь эрямс и работамс, кода эрясь и работась ЛЕНИН, улемс вракненди непримиримайкс, кодамкс ульсь Ленин. Минь гордость мархта Тейть отвечатама, што минь карматама стремиться тонафнемс, работамс и эрямс, кода Ленин, ульхтяма непримиримайхть вракненди, кодамкс ульсь Ленин. Минь всегда эсь инголенк карматама няема великий Ленинт и великий Сталинть великий и светлай образсон.

Шумбра улеза Всесоюзнай коммунистический большевиконь партиясь!

Шумбра улеза Сталинский Конституциясь—мирса инь демократический Конституциясь!

Шумбра улеза нароттнень великий вождьсна, советский одломаттнень кельгома другсна Иосиф Виссарионович Сталин! (С'ездть поручениянц коряс Президиумсь)



Июль 15-це шистонза Якстерь Столицань трудяйхне пяк цебарьста васфтезь „Москва“ самолетть героический экипаженц—летчикть-орденоносець В. К. Коккинайт и штурмань А. М. Брядинскийть, конат састь Москва—Хабаровск—Владивосток району атаквалонгт перелетста.

СНИМКАСА: (Кержи ширде види шири): РККА-нь ВВС-нь начальниксь А. Д. ЛОКТИОНОВ, Советский Союзонь Геройсь И. Д. ПАПАНИН, А. М. БРЯДИНСКИЙ, Обороннай Промышленностень Наркомсь М. М. КАГАНОВИЧ и В. К. КОККИНАКИ. ФОТОСЬ Б. ФИШМАНОНЬ (СОЮЗФОТО)

Китайса военной действиятне

(Ханькоуста и Лондонца ТАСС-ть корреспондентонзон сообщениясон коряс)

Центральной Китайса

Центральной Китайса кафеке ширетне вятихть интенсивнай анокламат Янцзы лаяса оцю операциятненди. Сянкоу и Хукоуть йоткса районти йотафневихть японский флотти и армияти подкрепления. Июльть 20-це шистонза, илять 14 военной суднат и 8 транспортт войска мархта йотасть Датань малава. Пачфнихть куля, тифта жа, што японский авиациясь базанц мархта, конач ащесь Ханькоуса, йотафтф Янцзы лая фронт.

Китайский войскатне успешнайста тнендихть атакат Пинцзеть лангс, сявомок японечнень кядста ошть ваксса возвышенность. Июльть 21-це шистонза рана шовдава 3 японский суднат йорасть йотамс Хукоу ляйть впре ширеванза. Китайский береговой укрепления эзда артиллерийский толсь панезень японский суднатнень.

Июльть 20-це шистонза японский кафта бомбардировщикт бомбардировандазь Уэюцзянт.

Улихть сообщеният, што японечне аноклайхть Чжанхе ляйть севернай берегозонза десантонь валхтомати, штоба тиёмс наступления Тайхуть лангс (Аньцинать юго-западнай ширесонза).

Июльть 20-це шистонза китайский авиациять очередной налетонц пингста японский суднат лангс Хукоу ваксса ульсь ваяффт японский кафта канонеркат.

Северной Китайса

Шаньси провинциять юг ширесонза 1000 лувксса японский колоннась вяти наступления Циньшуть эзда западнай направленияса, кирдемок цель шоворемс японский часттнень мархта, конат осажденнайхть Цзюйвоса. Омбоце японский коллоннась сатозеЦзянжоуть, коса молихть вишке бойхть. Тяка пингста японский войскань полксь выступил Датун—Пучжоуский машинакить кувалмова. Бойхне йотсихть Сясянть севернай ширесонза. Хенань провинциять севернай пилькссонза алак лотксек пиземть сюнеда Хуанхэть веденза разливосот. Ханьжэоу районца (Чжэнжэоу севернай ширесонза) ведьсь достигает 2,5 метрань сереса.

Цзяскоу районца (Чжунмоуь севернай ширесонза) ведьса ваясть 280-да лама веленят. 100 тьожянь-да лама населения илядсть трансфтома.

Южной Китайса

Июльть 20-це шистонза илять японский военной корабльхне панчсть артиллерийский тол Нань-аосьянь-Намоа (Сватоуь маласа) островть лангс. Шовдава июльть 21-це шистонза 4 японский самолетт бомбардировандасть лама пунктт, конат ашихть Намоать эзда аф ичкозе.

Стирнянь и од авань республиканский II-це с'ездсь йотась политический оцю под'емса

Июльть 17-це шистонза Саранск ошса МКСХШ-ть залса аделазе эсь работанц стирнянь и од авань республиканский II-це с'ездсь. С'ездсь йотась политический оцю под'ем мархта. Выступившай ялгатне авондозь социалистический пакс-

са, заводса, фабрикаса стахановский работань опытсон. Пяк кемоста критиковали ВЛКСМ-нь райкомтнень и обкомть стирнятнень и од аватнень йоткса кальдяв работасон.

С'ездсь примась Сталин ялгати сьорма, конанц тяти печатласаськ.

РСФСР-нь Верховнай Советть 1-це созывонь 1-це Сессияц

Информационнай сообщения

РСФСР-нь Верховнай Советть 1-це созывонь васенце
Сессиянц 1938 кизонь июльть 20-це шистонза
заседаниянц колга

Июльть 20-це шистонза РСФСР-нь
Верховнай Советть заседаниянц
залсонза, Кремляса, ульсь
РСФСР-нь Верховнай Советть ва-
сенце созывонь васенце Сессиянц
ветече, заключительнай заседаниянц.
Председательствованда й
РСФСР-нь Верховнай Советть пред-
седателец депутатъ А. А. Ждановсь.

Верховнай Советть ушедсь ва-
нондом РСФСР-нь правительст-
вать—РСФСР-нь Народнай Комис-
саронь Советть образовандаманц
колга кизефксть.

Депутатъ Н. А. Булганинцъ Вер-
ховнай Советть рассмотрениянцты
максесы РСФСР-нь Народнай Ко-
миссаронь Советть составонц.

Булганин ялгась эсь речьсонза
отвечай замечаниянцнди и ки-
зефкснени, конатненъ тиендезь
депутатне пренияса сядя инголь-
день заседаниянса РСФСР-нь пра-
вительствань образованиянъ ки-
зефксть коряс.

Верховнай Советть персональ-
най голосованиянса образовандай
РСФСР-нь правительства—РСФСР-нь
Народнай Комиссаронь Советть ф-
тама составса:

РСФСР-нь Народнай Комисса-
ронь Советть Председателец—

Николай Александрович Булганин.
РСФСР-нь Народнай Комисса-
ронь Советть председателенц за-
местителец

—**Иван Григорьевич Кабанов.**
Государственной Плановой Ко-
миссиянц председателец—

Яков Ермолаевич Чадаев.
Пищевой Промышленностень
Народнай Комиссарсь—

Павел Васильевич Смирнов.
Легкай Промышленностень На-
роднай Комиссарсь—

Сергей Георгиевич Лукин.
Лесной Промышленностень На-
роднай Комиссарсь—

Трофим Павлович Кудряшев.
Земледелиянъ Народнай Комис-
сарсь—

Павел Павлович Лобанов.
Зерновой и Животноводческой
совхозонь Народнай Комиссарсь—

Алексей Дмитриевич Стулов.
Финансонъ Народнай Комис-
сарсь—

Василий Федорович Попов
Торговлянъ Народнай Комис-
сарсь—

Александр Васильевич Любимов.
Юстициянъ Народнай Комис-
сарсь—

Яков Петрович Дмитриев.
Здравоохранениянъ Народнай Ко-
миссарсь—

Иван Иванович Белоусов.
Просвещениянъ Народнай Ко-
миссарсь—

Петр Андреевич Тюркин.
Местнай Промышленностень На-
роднай Комиссарсь—

Василий Васильевич Вахрушев.
Коммунальнай хозяйстванъ На-
роднай Комиссарсь—

Константин Дмитриевич Панфилов.
Социальной обеспечениянъ На-
роднай Комиссарсь—

Мария Александровна Шабурова.
Искусстванъ тевонъ управле-
ниянъ начальниксь—

Николай Николаевич Беспалов.
Дорожной управлениянъ началь-
никсь—

Всеволод Тихонович Федоров.
Верховнай Советть заседания-
зонза сашендыхть делегациянц
работайхненъ, работницатненъ, кол-
хозникненъ, колхозницатненъ, ин-
теллигенциянъ и служащайхненъ,
а тяфтажа Якстерь Армиянъ и
Военно-Морской Флотть эзда.

Моску ошень и Московский об-
ластенъ делегациянц лемста корх-
тась Авиакимть лемса 1-це заво-
донъ стахановецсь-работайсь А. А.
Фролов ялгась. Ленинград ошень
делегациянц эзда—Кировский за-
водонъ стахановецсь-работайсь
С. Г. Карташев ялгась.

Татарский АССР-нь делегациянц
эзда—Казанский льнокомбинатонъ
мастерсь А. Ф. Галмуллина ялгась;
Якстерь Армиянъ и военно-Мор-
ской Флотть делегациянц эзда
младшай командирсь-артилле-
ристсь Ф. В. Кузнецов ялгась и
младшай командирсь-подводниксь
П. С. Кобликов ялгась.

Сессиянц шинь порядкак аделаф.
РСФСР-нь Верховнай Советть пред-
седателец А. А. Жданов ялгась
азондозе, што шинь порядканъ
сембе кизефксненъ колга Верхов-
най Советть примась единодушнай
решениянц и РСФСР-нь Верховнай
Советть Васенце Сессиянц лувонд-
сы сьолкфонди.

Сессиянц шинь порядкак аделаф.
РСФСР-нь Верховнай Советть пред-
седателец А. А. Жданов ялгась
азондозе, што шинь порядканъ
сембе кизефксненъ колга Верхов-
най Советть примась единодушнай
решениянц и РСФСР-нь Верховнай
Советть Васенце Сессиянц лувонд-
сы сьолкфонди.



РСФСР-нь Верховнай Советть васенце Сессиясонза.
СНИМКАСА: РСФСР-нь Верховнай Советть председателец А. А.
Жданов и председательть заместителенца А. Х. Тынчеров (види ши-
ре) и П. Макаровасъ.

Фотось С. Лоскутовъ и Ф. Кисловъ (Союзфото).

Депутатъ эсь работасонза

Народонъ избранниксь, МАССР-нь
Верховнай Советонъ депутатъ
Сергей Павлович Чувашовсь де-
путаткс кочкамдонза меле сядя
кемоста кярмодсь эсь работанцты.
Сянкса, штоба пяхкодемс дове-
риять, конанъ доверили Б. Марс-
леевский избирательнай округонъ
избирательхне. Чувашов ялгась ра-
ботай бригадиркс Киров ялгать
лемса колхозса, сон эсь бригаданц
мархта аши 1-це вастса районть
эзга, сембе пингть эрси паксяса,
коса колхозникненди максилезкст,
и тонафтсыне, получамс оцю уро-
жай, кода пяхкодемс Сталин ял-
гать лозунгонц 7—8 миллиард пуд
кши эрь кизоня. Сон кемоста тюри-
тя лозунгть пяхкодеманд инкса.
Сявомс тунданъ видемать, эсь бри-
гадасонза аделазе срока инголи
и цебарь качества мархта.

Тунданъ видемать пингста сонъ
бригадасонза инъ цебарь стаханов-
ецне ульсть: Филягин, Макаров
ялгатне, конат работанъ нормасон
пяхкодкшннезь 135—200 процентс.
Тяда башка Чувашовть бригадац
аделазень тише урядаманзон сро-
ка инголе и цебарь качества,
сембе работатненъ пингста брига-
даса йотафневсь и йотафневи тя-
нинге массово-разъяснительнай ра-
бота колхозникненъ йоткса, тиен-
дихть беседат и читкат газетаста,
новлявихть бригаднай стенгазетат,
коса няфневихть бригаданъ инъ це-
барь стахановецненъ блестящай
сатфксна.

Тяни Чувашовть бригадац кемо-
ста кярмодсь сьоронъ урядамат.
Сонъ бригадасонза сембе колхоз-
никне кемокснестъ соцдоговорхт,
конат эрь вете шидя меле прове-
рякшневихть и пяхкодкшневихть.
Ив. Суслин.

Чамзинканъ р-н.

Школась анок од тонафнема кизоти

Коде правила эрь школась аде-
ламок тонафнема кизотъ, ушеды
аноклама омбоце тонафнема кизо-
ти,—оборудовандай школатъ эса
и аноклай учебнай пособиат.

Вов кепотъксонди сявсасъ Сай-
гуша велень начальнай школатъ,
конац ни кунаракиге приведенай
полнай готовностьс.

Школанъ заведующайсь Шабалов
ялгась анокласъ сатомшка тетрадь,
крандашт и лия учебнай пособиат.
Тяни синь учихть оцю мялса
тонафнема кизотъ ушедоманд.
И. Суслин.

Чамзинканъ р-н.

Заемти

сьорматфтомасъ моли кальдявста

Минь странанъ сембе трудящай-
хне, кулемок колмоце пятилетканъ
васенце заемонъ выпускть, сембе
кода фкя ушеды заемти сьор-
матфтома. Тя сьорматфтомати
ульсть кемокстафт уполномоче-
найхть, конат азонкшнесазь минь
кельгома счастливый родинасонк
заемть значениянц.

Но илякс аши тевсь Ежка ве-
леса. Тяса кемокстасть заемть
реализовандаманцты уполномоче-
найхть, кода Сайгин ялгать.

Нят уполномоченнайхне, кода
Сайгинъ, штоба модемс колхоз-
никненъ йоткс и азондомс заемть
значениянц, а сон сонъ заемти
ашезь сьорматффа фкявок цалко-
вайнъ питнес.


Тянь сюнеда заемти сьорматф-
томасъ моли кальдявста и тя аф-
сатыксть лангс успокоилс вель-
советонъ председателския.

Куроконъ пингть тя афсатыксть
эръви машфтомс и кярмодемс
по-большевистски заемть реали-
зовандама.

И. Козеев

Ковылкинанъ р-н.

РСФСР-нь Верховнай Советть 1-це
созывонь васенце Сессиянц



СНИМКАСА: Мособлисполкомть пред-
седателенц И. С. Хохловъ выступлениянц.
Фотось Ф. Кисловъ и С. Лоскутовъ
(Союзфото).

РСФСР-нь ВЕРХОВНАЙ СОВЕТТЪ 1-це СОЗЫВОНЪ 1-це СЕССИЯЦ



Снимкаса: РСФСР-нь Верховнай Советть Председателец А. А. Жданов ялгась (Кучкаса) и РСФСР-нь Верховнай Советть Председателенц заместителенца П. С. Макарова и А. Х. Тынчеров.

ФОТОСЪ (СОЮЗФОТОТЪ) ПРЕССКЛИШЕ.

КОМСОМОЛЬСКАЯ ЭРЯФСЬ

Кабинетно-бюрократическая работа

ВЛКСМ-нь ЦК-ть V-це пленумом эсь решениясонза сьормалы: ВЛКСМ-нь X-це с'ездс вешсь ВЛКСМ-нь райкомтнень и комсомольский сембе организациатнень ширде, штоба синь цебарьгафтолезь ВЛКСМ-ть сембе работанц ленинский комсомольт рядонзонды советский передовой одломанень примаматевса".

Но улихть ВЛКСМ-нь райкомт, конат кабинетно-бюрократический работаснон сюнеда ты постановленихть пашкодемани сязендсась.

Вов ВЛКСМ-нь Рыбкинань райкомсь, сян вастс, штоба цебарьгафтомс ленинский комсомольт рядонзонды одломанень примаматевть, сон тынь сознательнайста сязендсась. 1938-це кизоня району ашезь яка фкявок райкомонь инструктор, конань сюнеда синь аф содасазь комсомольский организациатнень состоянисон, синь ширест аф шарфнихть кодамовок мяль, а в особенности аф шарфни кодамовок мяль колхознай комсомольский организациатнень шири.

Комсомолецнень запроссон, конат требовандасазь ВЛКСМ-нь уставть правиланзон коряс, синь аф пашкодкшнесазь.

Вов "Борец" колхозса 1938-це кизоня апрель ковста сувасть ленинский комсомольт рядонзонды афсоюзнай одломатть, но нят комсомолецнень йоткса кодамовок работа аф вятви, сяс мес тячемс ш комсорг. Тя кизефксть колхозу райкому аф весть якасть комсомолецне. Синь требовали, штоба райкомсь кучель инструктор и кочкальхть комсорг, но райкомсь тячемс лезкс ашезь макс. Тянь сюнеда комсомолецне распустились, членский взност аф пандыхть и аф лувондсазь эсь пряснон комсомолецокс.


Тяда башка ты велеса аф кржа передовой одломаньда, конатнень ули оцю мялсна сувамс ленинский комсомольт рядонзонды, но синь мялсна тячемс иляткшнихть алак удовлетвориндак, сяс мес аш коза максомс заявленихть.

Одломаттне максихть кизефкс: мзярда ВЛКСМ-нь Рыбкинань райкомсь пашкодксы ВЛКСМ-нь ЦК-ть V-це пленумонц решениянц.

Н. Рыбкинский.

Рыбкинань р-н.

РСФСР-нь Верховнай Советть васенце Сессиясонза



СНИМКАСА: РСФСР-нь Верховнай Советонь возрастс коря сире депутатсь С. Н. Барышевсь панжи РСФСР-нь Верховнай Советть васенце Сессиянц.

Фотось Ф. Кисловть и С. Лоскутовть (Союзфотось), Прессклише".

Комсомольт 20 кизонь топодеманцы консервной комбинатонь комсомолецнень подаркасна

Эрь од ломаньць, комсомолецсь, комсомолкас инь оцю мяль пунхихть—васьфтемс комсомольт 20-сь кизонь топодеманц работаса оцю сатфкс мархта. Комсомолецне, комсомолкатне и сембе одломаттне учихть комсомольт 20-сь кизонь топодеманц, кода оцю радостнай событих.

Тя радостнай событихть васьфцазь оцю радостнай переживаних мархта аф аныцек одломаттне, но и сиретневок. Теест сиретнедингя хочетьс улемс одкс сталинский инь счастливый эпохаса.

Сиретне гордаться идьснон мархта, што синь завоеванияснон идьсна кемекстазь педа-пес и аф макссазь кодамовок фашистский злодейнди. Катк тяряфты кодамовок фашистский странань злодей йотамс советский счастливый родинаньконь границанц туркс, границать лангсакиге иляды прятнома.

Сембе промышленнай предприятия, военновоздушнай и морской флотса, колхознень и совхознень ээга комсомолецне и одломаттне Сталинть лемса Автозаводонь од стахановецнень и специалистнень од ломаттненьди обращенияснон лувомок, аноклайхть пряснон васьфтемс комсомольт 20-сь кизонь топодеманц цебарьтевса, тядяньконди—родинати цебарь подаркасна.

Саранск ошса консервной комбинатонь комсомольский комитетсь нинге май ковста заключил "Сартэонь" комсомольский комитетть мархта социалистический договор.

Договорса комсомольский комитеттне сязсть эсь лангозост обязательств, конатнень пашкодемаснон путозь комсомольт 20-це кизонь юбилейнц лемс.

Тя социалистический договорть консервной комбинатонь комсомолецне примазь общей комсомольский собранияса оцю мялса.

Договорстост пунктнень пашкодемаснон инкса консервной комбинатонь комсомольский комитетсь путсь руководящай работас 3 комсомолецт, конатнень эзда 2-тне стирьнат.

Тимакова ялгась инголи работась консервной цехса закатицак, тия работай технологокс, Журавлева ялгась—МАССР-нь Верховнай Совету депутатсь работай цехонь начальникокс.

Сталинть лемса Автозаводонь од стахановецнень и специалистнень од ломаттненьди обращенияснон лувомок, комсомолецне сязсть эсь лангозост тяфтама обязательствават:

МЕС АШ РАБОТА?

Зайца велень комсомольский организациат эса комитетонь секретарькс работай Пугачевсь, конац юкстазе комсомольский эряфть. Сон комсомолецнень мархта йота сась тундась кодамовок работа аф вяги.

Сян вастс, штоба ладямс цебарьста велень одломаттнень йоткса массово-раз'яснительнай и политико-воспитательнай работать, Пугачевсь содай аныцек винада симондеманц. Сонь иретьфоц йофси аф янгси.

Комсомолецне надияхть, што ВЛКСМ-нь Рыбкинань райкомсь куроконь пингста Пугачевть иретьфонц янгафцы.

Рыбкинань район.

Тимаков ялгась сязсь обязательства—улемс Ворошиловский стрелокс, Журавлева ялгась сязсь обязательства—нолямс продукциять исключительно стандартнайста, Болдов ялгась—комсомольнень комитетть секретарец сязсь обязательства—пашкодемс социалистический договорсост сязьф обязательстванень комсомольт 20-це кизонь юбилейнц лемс.

Комсомольский комитетсь организовандась технический учеба, коза сувасть 30 комсомолец. Сембе комсомолецне фатяфт газетань подпискаса.

Козаков комсомолецсь, конац работай автомашинань гаражса заведующайкс, сязсь эсь лангозонза обязательства, тиёмс автомашинати первокласснай од конструкция.

Сембе комсомольский организациась ащи 68 ломаньца, эздост 53 фатяфт политехбаса, конат регулярна аноклакшнихть и якайхть политзанятих. Комсомольский комитетсь кучсь 6 ломатть пилотонь курсу.

Комсомольнень комитетть секретарец Болдов ялгась пяк заботендай комсомолецонзонинкса, штоба теест максомс условия тонафнемс и макссь вал, што комсомолецонзон йоткса нинге улихть комсомолецт, конат сязсть рекорднай обязательстват продуктань нолямаса, конатнень пашкодсазь комсомольт 20-сь кизонц топодеманц самс.

В. Балашкин.

Саранск ош.

Достойнайхне примафт комсомолу

П-Кичемасова велень "Якстерь партизан" колхозонь первичнай комсомольский организациась аф кунара эсь рядонзонды примась А. Вадьев и А. Андреев пионерхнень, конат ты кизонь испытаниянень максозь отличнай и цебарь отметка мархта.

Тяни Вадяевть мархта Андреевсь вятихть оцю массово-раз'яснительнай работа колхознай одломаттнень йоткса.

В. Лобанов.

Темниковань р-н.

Ленинский комсомольт XX кизонзонды подарка

Июль ковть 17—18-це шинзон эзда республиканский спортивной обществась "Спартакс" ленинский комсомольт 20 кизонзон ознаменованиянцты йотафтсь легкой атлетикуса артельнай соревнованият. Соревнованияса примасть участия 27 ломатть. Тяка лувксса 8 ават.

100 метра дистанциянь ласькомаса васенце вастть сязозе Ткачев и Кириков ялгатне, (художник артельста) синь пингсна 13,3 секунд.

1000 метрас ласькомаса васенце вастть занязе Корочков ялгась (обозострой артельста), сонь пингоц 3 минутат 16 секунд.

Гранатань метанияса васенце вастть сязозе Ткачев ялгась 47 метрат 26 сантиметрат. Кувалмос комотемаса васенце вастть сязозе Кириков ялгась, сонь результатонза 4 метрат 53 сантиметрат.

Вяри комотемаса васенце вастть занязе Аршинов ялгась вне конкурса. Сонь результатонц 1 метра 40 сантиметрат. Аватнень йоткса 100 метрас ласькомаса васенце вастть занязе Истратова ялгась ("Восход" артельста) сонь пингоц 14,2 секунд, сон жа васенце вастть сязозе 500 метрань дистанцияс ласькомаса 1 мин. 34 сек.


Гранатань метанияса васенце вастть сязозе Карташевась—27 метрат и 85 см. Ласькомаста вяри комотемаса васенце вастть явозь эсь йотковаст ("Восход", артельста) Истратовась и Карташевась. Синь результатсна 1 метра 5 сантиметрат.

Уемаса алятнень йоткса 100 метрань заплывса васенце вастть сязозе Ткачев ялгась ("Художник" артельста), сонь результатонц 2 мин. и 9 сек.

200 метрас цебарь результат няфтсь Кириков ялгась. "Художник" артельста—5 минутат 6 секунд.

Аватнень йоткса 50 метрас уемаса васенце вастть занязе Истратова ялгась, конань пингоц 1 мин. 20 сек. Сон жа васенце вастть занязе 100 метрас уемаса, сонь пингоц 3 минутат 8 сек. Васень вастонь заняйхне улихть премированнайхть питни вещаса и похвальнай грамотаса.

Саранск ош.



СНИМКАСА: Республиканский школьниконь спартакиадань участникне. Кержи ширде види шири) васенце рядса: Н. Молчанов (Темниковский р-н), Н. Халтурин (Темники), М. Белоусов (Ельники), Н. Колов (Верезники), омбоце рядса: К. Агеев, Н. Чернов—Темниковань райононь и Г. Ветчинников, Н. Гордин, А. Вятлов—Ельниковань райононь.

Фотось Г. Барановть.

Физкультурась и спортсь

Школьниконь республиканский омбоце спартакиадась

Июль 18-це шистонза Саранск ошса панжевсь школьниконь республиканский омбоце спартакиадась, конац лемтьф ленинский комсомоль 20 кизонзонды.

Спартакиадав састь 13 районца 105 участникт. 14—15—16—17 кизон стирьнят и цьоранят.

Васень шиня программась ульсь 60 метрас ласькома — младшай возрасттненди и старшай возрасттненди 100 метрас. Кафцьке возрасттненди гранатань метания, ласькома мархиа кувалмос комоме.

60 метрас ласькомаса васенце вастть занязе Мелетовась (Темниковаста) сонь пингоц 9,1 сек. и Казарин (Саранск) 8,2 сек.

100 метрас ласькомаса Душутина ялгась (Инсар) — 14,2 сек. и Агеев ялгась (Темников) 12,4 сек.

Гранатань метанияса младшай возрастса стирьнятненди йоткста васенце вастть занязе Макаевась (Ельники) 30,94 метрат, цьоранятненди йоткста Беклюмаев (Зубово-Поляна) 47,66 метрат. Старшай возрастса школьниконь эзда васенце вастть занязе Лебедева ялгась, конац няфтсь замечательнай результатт 43, 73 метрат, а юношатненди эзда васенце вастть занязе Ямбаев ялгась (Лямбиров), конац результатт 54,04 метрат.

Кувалмос комомемаса младшай возрастса участникненди йоткста васенце вастть занязе Лаптева ялгась (Саранск) 3 мет. 96 сантимет. и Казарин ялгась (Саранск) 4 метрат 70 сантиметрат. Старшай возрастса кувалмос комомемаса васенце вастть занязе Лебедева ялгась (Темников) 3 мет. 97 сантиметрат и Козлов ялгась (Б.-Березники) 5 метрат и 22 сантиметрат.

Васень шиня команднай первенстваса васенце вастть занязе Темниковась 37,5 очкат, омбоцет Саранск ошень командась 53,0 очкат, комоцет Инсарский районь 68,5 очкат.

Мельников.

Саранск ош.

Мзярда ушедыхть лац работама пожарникне?

Сянкса, штоба лоткафтомс пожарникне, эряви вишкоптемс противопожарнай работат. Ошненди и велетненди эса организовандамс противопожарнай дружинат, конатненди обязанностьсна, мезе аф няемс, матомс пожарть. Но аф везде тяфта ащи тевсь. Вов М.-Пашад велень пожарникне нят инголест ащи задачагненди аф пшакодькшнесазь.

Июль 12-це шистонза пожаронь матома састь снярда, мзярда 5 кудт ни палсть и эстонга састь аф аноклафста. Синь баграсна и тячемс ашихть аф исправнайста, насозсь тяфта жа аф кондыти и пожарникневок эсь тевсонды относятся холатнайста.

Тя пожарти противопожарнай мероприятия кодамовок апак тик, конань сюнеда палсь 13 куд.

Мезень ширде тя лиссь? Тя лиссь сянь ширде, што пожарникне кода Гулькинь и лиятне симондсть винада и мольть кудтненди паломда меле. Синь ширдест нят безобразиятне эрьсикть пшак сидеста.

Колхозникне вешихть колхознай правления ширде, штоба тяфтама безобразиятне куроконь пинкста машфтомс.

Кирдяшкин.

Пурдошанский р-н.

Массовой работат эзда ашихть ширеса

М.-Моресева велеса ули комсомольский организация, конац масшатненди йоткста работат эзда ашихть ширеса. Комсомольский организациясь тя работат лувондсы аф эрявиксонди. Колхозса ульсь организовандафт лама кружок: музыкальной, физкультурнай, коса руководителкс работай Моськинсь, конанди комсомольский организациясь поручил вятемс физкультурнай кружок. Сянь вастс, штоба цебярьста ладямс работат, пшаккодемс комсомольский организациять поручениянц, сон нинге сяда пшак калафтозе работат.

Эряви комсомольский организацияти шарфтомс мяль тя работат шири.

Н. З.

Чамзинка.

Испанский народть итапо-германский интервенттненди каршес героическаяста тюреманиц омбоце годовщианцы



СНИМКАС: республиканский Испанияса крестьянонь группась моли фортификационной работатненди.

Испанияса фронттненди эзга (ПАРИЖСТА ТАСС-ть сообщениязон коряс)

Леванта фронтсь

Испанский оборонань министерстват июль 20-це шинь сообщениязон коряс, итальянский войскактне мольфцазь эсь наступательнай действияснон Леванта фронтть сембе секторонзон эса. Эспань агенстват сведениянзон коряс. Барракосат югширесонза, Терзель—Сагунто кить кувалмос наступленияс кучфт 40 тьожатть итальянский войскакт, сяконь лувксса „Чернай стрелань“ бригада Пианцони генералть командованиянц ала. Тяс итальянецненди наступлениясна кирьневи республиканский войскактненди мархта. Атакас кучфт итальянский танкне республиканский артиллериять меткай толонц мархта ульсь срафтфт.

Вишке бойхть мольфтевихть Талес сектора (Нулесть северо-западнай ширесонза), коса республиканецне нинге вест овладели фкя инь важнай высотаса, конац господствующай местность лангса. Фашисттненди сембе контратакасна республиканский позициятненди лангс, конат расположеныхть тя высотат лангса и сонь окрестностензон эса, республиканецненди мархта ульсь отраженнайхть.

Алькорат районца напряженной тюремада меле республиканский отрядтне занязь Пеладон и Альмайюд высотатненди, фашисттненди кандсть оцю потерят и плени сывсть итальянский капитан и лама итальянский солдатт.

Леванта фронтса военной действиятненди эса йотай суткатненди пингста мятежникненди и интервенттненди ширеса участвовало иностраннай фашистский огромнай масса самолетт. 60 фашистский самолетт бомбардировандазь и обстреливали пулеметста Херика, Сеюрбе, Вивер, Торрес велетненди, конат расположенныхть Теруэль—Сагунто машина кить кувалмос. 50 трехмоторнай германский самолетт „Юнкерс“ бомбардировандазь районть, конац ащи Эспадан пандонь массивть побережьянь восток ширесонза, конац Санутат вельхнесы север ширеста.

Центральной фронтсь

Эстромалурской фронтть участкасонза мятежникне, пользовандамк итапо-германский танконь, артиллериянь и авиациянь поддержкаса, атаковандазь республиканский позициятненди Лос Бласкос сектора (Фуэнтеовехуна районца и Миах ахадас Вильянуэва де Ла Серенат север ширеса).—Республиканецне отразиндазь атакаснон и отбросили наступавшай фашисттненди. Аф лама пингта меле мятежникне получасть подкрепления, возобновили атакатненди. Нят секторхненди эса молихть напряженный тюремакт.

Фашистский артиллериясь бомбардировандазь июль 19-це шистонза Мадридть, нолдась ошт эзга 500-шка снарядт.

Южнай фронтса положениять эса переменат аш.

АГИТАТОРХНЕ ПАКСЯСОТ

Мокша Ювня велень первичнай комсомольский организациясь эсь пингстонза паксянь бригадатненди культурно-просветительнай работань вятема кемокстась комсомолест-агитаторхт, конат колхозникненди тиендихть беседат РСФСР-нь Верховнай Советть васенце Сессиянц колга и морафнихть газетат и художественнай книгат.

Комсомольский организациясь организовандазь агитбригада. Агитбригадась колхозникненди путни спектакльхть и тиенди художественнай самодетельнай выступлениеят.

Торбеевань р-н.

Ответ. редакторсь
П. ЕЖОВ.



СНИМКАС: Бойхненди эса юрьжкя пингонь ваймосемста республиканский армиянь боецне лездыхть крестиятненди урожаень урядамаса.

ФОТОСЬ СОЮЗФОТОТЬ.